

“ТАСДИҚЛАЙМАН”
Давлат харидлари соҳасидаги
шикоятларни кўриб чиқиш бўйича
комиссия раиси
ЭРИ билан тасдиқланган
Атаджанов Муродбек Бекбергенович

Давлат харидлари соҳасидаги шикоятларни кўриб чиқиш бўйича комиссия
йиғилишининг
Р00020 Баёни

Тошкент шаҳри

2023 йил “23” Июнь

Раислик қилди:

Атаджанов Муродбек Бекбергенович –
Қўмита бошлиғи ўринбосари

Қатнашдилар:

Давлат харидлари соҳасидаги
шикоятларни кўриб чиқиш бўйича
комиссия аъзолари

Давлат харидлари соҳасидаги шикоятларни кўриб чиқиш бўйича комиссия
йиғилишининг кворуми – 77 %

КУН ТАРТИБИ:

Давлат харидлари соҳасидаги шикоятларни кўриб чиқиш бўйича комиссияга
“Azboa-uz” МЧЖнинг Президент веб сайти орқали келиб тушган 2023 йил 20
майдаги 61624-с/23-сон, 2023 йил 10 майдаги 57325-с/23-сон, 2023 йил 25 майдаги
63985-с/23-сон ва 2023 йил 27 майдаги 64823-с/23-сонли мурожаатида кўтарилган
масалалар муҳокамаси.

Комиссия йиғилиши кун тартибининг навбатдаги масаласи юзасидан “Azboa-uz” МЧЖ вакили сўзга чиқиб 2023 йил 20 майдаги 61624-с/23-сон мурожаатида келтирилган эътирозларини комиссия аъзоларига маълум қилди. (Ушбу эътирозлар мурожатчининг шикоят хатида ҳам қайд этилган).

Хусусан:

Жиззах вилоят кўзи ожизлар кутубхонаси томонидан 257722 лот рақами билан китоблар сотиб олиш юзасидан ўтказилган танлаш савдоларида, харид комиссияси томонидан баҳолаш мезонларига риоя этилмаганлиги рақобат ва холислик тамойиллари бузилганлиги;

танлаш ҳужжатларида рақобатни чеклашга олиб келадиган талаблар кўйилганлиги;

буюртмачи томонидан танлаш шартларида ҳеч қандай баҳолаш мезонларига амал қилинмаганлиги;

буюртмачи томонидан танлаш савдолари қонун талабларига мувофик ўтказмаганлиги сабабли мазкур давлат харидини бекор қилиш сўралган.

Маълумот учун: Комиссия ишчи органи томонидан 02.06.2023 йилда Балиқчи тумани Мактабгача ва мактаб таълими бўлими Жиззах вилоят кузи оғизлар кутубхонасига мурожаатда келтирилган масалаларга асосли тушунтириш ва маълумотлар тақдим қилиши бўйича мурожаат хати йўлланган ва жавоб хати олинган.

Ушбу жавоб хатида:

Танловда катнашиш учун жами учта ташкилотдан таклифлар келиб тушгалиги;

Тендер ҳужжатларининг биринчи шarti бўйича ташкилотнинг айланма маблағлари ҳақида хизмат кўрсатувчи банк маълумотномаси сўралганлиги лекин “AZBOA-UZ” МЧЖ ҳеч қандай маълумот тақдим қилмаганлиги;

мурожаатчи тендер ҳужжатларида талаб қилинган ҳужжатлар ўрнига тендер ноқонуний ўтказилгани тўғрисидаги хат тақдим қилгани;

ушбу танлаш савдосида “Navro‘z everest plus” МЧЖ ғолиб деб топилганлиги; буюртмачини обрўсизлантириш мақсадида мурожаатчи томонидан ёлғон маълумотлар берилганлиги;

келгусида буюртмачиларга сифатли маҳсулотларни етказиб бериш мақсадида мурожаатчини инсофсиз ижрочилар реестрига киритилишини;

ушбу танлаш савдоси “Давлат хариди тўғрисида”ги қонунчилик талабларига мувофик ўтказилганлиги ва бошқа важлар маълум қилинган.

Йиғилиш давомида мурожаатчининг навбатдаги 2023 йил 10 майдаги 57325-с/23-сон, 2023 йил 25 майдаги 63985-с/23-сон ва 2023 йил 27 майдаги 64823-с/23-сонли мурожаатларида келтирилган важлар Комиссия аъзоларига таништирилди.

Ушбу шикоятларда Сурхондарё вилояти болалар кутубхонаси (кейинги ўринларда - Буюртмачи) буюртмачилигида 2023 йил 1 майдаги 254761-рақамли ҳамда такроран 2023 йил 16 майдаги 259915-рақамли лот билан “Китоблар сотиб олиш” юзасидан ўтказилган энг яхши таклифларни танлаш (кейинги ўринларда-танлаш) савдоси жараёнида харид комиссияси томонидан мурожаатчига асоссиз равишда паст балл қўйилганлигини баён этган.

Ўзбекистон Республикасининг “Давлат харидлари тўғрисида”ги Қонунининг (кейинги ўринларда-Қонун) 32-моддасида баҳолаш мезонларига ва тартиб-таомилларига тааллуқли қоидалар белгиланган бўлиб унга кўра давлат буюртмачиси томонидан белгиланадиган давлат хариди шартларида иштирокчиларнинг таклифларини баҳолаш мезонлари, уларнинг нисбий қиймати, баҳолаш тартиб-таомиллари доирасида баҳолаш мезонларини қўллаш тартиби бўлиши кераклиги белгиланган.

Йиғилиш якунида мурожаатчига мазкур давлат харидининг “Давлат харидлари тўғрисида”ги қонунчилик ҳужжатларида белгиланган талабларга мувофиқлиги юзасидан молиявий назоратни амалга ошиш мақсадида тўпланган ҳужжатлар Давлат молиявий назорати инспекциясига юборилганлиги маълум қилинди.

Йиғилиш давомида Комиссия аъзоларига ва йиғилиш иштирокчиларига мурожаатда келтирилган барча важлар ва ўрганиш натижалари ўқиб эшиттирилди.

Кун тартибидаги масалаларни кўриб чиқиб, Комиссия раиси қарор қилади:

Давлат буюртмачилари Жиззах вилоят кўзи ожизлар кутубхонаси ҳамда Сурхондарё вилояти болалар кутубхонасининг вакилларига Ўзбекистон Республикаси “Давлат харидлари тўғрисида”ги Қонунининг 81-моддасига мувофиқ, давлат харидлари тўғрисидаги қонунчиликни бузганликда айбдор шахслар белгиланган тартибда жавобгар бўлиши тушунтирилсин.

Мурожаатчига мазкур давлат хариди бўйича шартномалар ижро қилиб бўлинганлиги сабабли, буюртмачининг мазкур давлат харидларида қабул қилган қарорлари юзасидан суд тартибида шикоят қилиш ҳуқуқи тушунтирилсин.

Комиссия аъзолари:

Маманазаров Султонбек Шодикулович	ЭРИ билан тасдиқланган
Рахманов Фурқат Темирович	ЭРИ билан тасдиқланган
Бўранов Шухратжон Арзимуратович	ЭРИ билан тасдиқланган
Умаров Жасур Турсунович	ЭРИ билан тасдиқланган
Аллаберганов Бобирбек Адилбекович	ЭРИ билан тасдиқланган
Ubaydullayev Avaz Baxtiyarullayevich	ЭРИ билан тасдиқланган
Шукуров Умидбек Иноят ўғли	ЭРИ билан тасдиқланган
Махкамов Рустам Хусниддинович	ЭРИ билан тасдиқланган
Алиев Тофиг Али угли	ЭРИ билан тасдиқланган